


ROBERT Y SOLO BANDA SHOW CU UN TREMENDO CD "E GAROSHI LOLA"..

Fotos/texto:Poets

DEN AMBIENTE



** Robert y su Solo Banda Show ta los un tremendo CD riba mercado titula "E Garoshi Lola", cual ta contene nueve tema: 1) "Hala pa nos Pasa", 2) "Ora bo tei", 3) "E Garoshi Lola", 4) "Piel de Nina", 5) "Awe ta dimi mayan ta dibo", 6) "Potpourri", 7) "Awe", 8) "Hisa bo Meyá", 9) "Gospel".

Compositornan cu a comparti cu Robert y su Solo Banda Show riba

e CD aki ta como lo siguiente: Junny de Freitas, Jossy Brokke, Silvio Sosa, Vicente Kelly, R. Van Aanholt, Casin Giel, Gloria Gonzales. E trabao di areglo den su mayoría tabata na encargo di Robert Jeand'or, kende tambe tin algun composicion riba e produccion aki.

Por a compronde for di Robert Jeand'or cu e interes pa e CD aki

ta bayendo den un forma sublime, pa cual e ta hopi satisfecho. Robert a duna di conoce cu e gran bautismo pa e CD aki lo bay tuma lugar diabierna 18 di december otro siman den Club Caiqueto durante e fiesta bailable cu Fernandito Villalona, kende porcierto lo fungi como Padrino di e CD aki, cual lo ser efectua den presencia di un famia di e inolvidable fayecido Lolita Cremony (q.e.p.d.) y tambe e musico Oswald Ras na kende Robert y su Solo Banda Show tin un gran aprecio pa su valioso cooperacion pa cu e CD aki.

Na final Robert y su Solo Banda Show kier a pidi danki na DIOS cu nan a logra nan di tercer disco compacto, cual cu hopi respet nan ta dedike na un gran persona cu na bida tabata conoci pa henter Aruba, Lolita Cremony (q.e.p.d.). Cu hopi cariño y amor Robert y su Solo Banda Show a dedica e tema "Garoshi Lolita" na su persona. Cu Lolita sosega na paz. E grabacion aki a tuma lugar den Aruba Recording Studio, na unda e parti di mixing a ser realiza pa Don Antonio Lacle.

Un danki tambe ta bay na Multi Media pa nan valioso aporte y tambe na Oswald Ras pa su bunita cooperacion. Na tur esnan cu ta desea un ehemplar di e tremendo CD aki y tambe un presentacion di Robert y su Solo Banda Show, por tuma contacto cu Robert Jeand'or na tel: 870086. Un Pabien grandi ta bay na Robert y su Solo Banda Show y hopi exito..

DELBERT BERNABELA Y IVAN QUANDUS TA LANSA NAN CD "E REGALO DI PASCO"..



** Aruba su dos gran musico profesional Delbert Bernabela y Ivan Quandus a lansa nan produccion "E Regalo di Pasco", cual ta contene 8 tema: 1) "We three Kings of Orient Are", 2) "O, Come all ye Faithful", 3) "Aya den pesebre", 4) "Deinah", 5) "A bini na mei anochi cla", 6) "Bin Pasco na Cas", 7) "E cantica di Pasco", 8) "Go tell it on the mountain". Ta trata di un produccion di un calibier hopi halto. E contenido ritmi-

co di e CD aki ta uno hopi suave cu ta expresa un harmonia relehante y agradable. Tremendo mes ta e cancion "Bin Pasco na Cas" cu ta ser interpreta den un forma increible pa nos primerisima Sharon Rose. DEN AMBIENTE ta desea Delbert Bernabela y Ivan Quandus hopi exito y ta recomenda na tur esnan cu ta desea pa pasa un temporada di navidad hopi suave pa compra e tremendo CD aki..

ERA AUTENTIKO TA LANSA NAN CD "DESPUES DI ERA TA ERA MES"..

** E agrupacion musical di hermana isla Corsow cu semper a goza y ketu bay ta gozando di un gran popularidad aki na Aruba, a lansa nan produccion pa e temporada di fin di aña titula "Despues di ERA ta ERA mes". E CD aki ta contene 11 tema: 1) "Ata Nos Atrobe", 2) "Mi Soño", 3) "Mi lei nobo bay gol", 4) "Deseo di mi curason", 5) "Mi'n ta den", 6) "Strooie", 7) "Mi Mesa", 8) "Salsa Medley Antiano", 9) "Pa Mi Dushi hende nan", 10) "Trese Pas", 11) "Ban Celebra".

Por a compronde for di Boy Thode cu e aña aki ERA a confronta varios contratiempo cu cambio di nan cantante-nan manera e.o: salida di Lio Roza y Moises Ramos, cual a hasi tambe cu

nan no por a realiza nan grabacion na tempo. Pero actualmente nan ta hopi contento cu nan cantante nobo kende ta Clark Zalm. Boy a declara cu actualmente ERA ta bek den nan forma cu nan ta desea y ta cosechando hopi exito den tur nan presentacionnan. E CD aki tambe a haya hopi bon reaccion serca nan fanaticada y tur nan fiestanan ta bon bishita. Pa dia di Pasco nan lo ta na Hulanda, mientras cu despues di tiro, nan lo habri aña 99 compartiendo escenario cu EQO. DEN AMBIENTE ta desea ERA hopi exito cu e CD aki, cual ta obtenible na tur e disco tiendenan y no tin duda cu tur e gran fanaticada di ERA aki na Aruba lo bay cumpre pa nan tin e den nan coleccion..

Produccion Kelkboom ta lansa nan di dos CD di Pasco.. "BON PASCO Y BON AÑA VOL 7



*Gaita
Sensacionales
*Tipico
Arco Iris
*Robert y
su Solo
Banda Show
*Polymnia
*Debby
Werleman
*Albert
Manuela

** E aña aki Produccion Kelkboom a traha mas duro cu nunca pa deleita Aruba durante e dushi temporada navideño cu dos produccion, di cual e prome Vol 6 a resulta den un exito rotundo. Esaki a duna Produccion Kelkboom hopi mas motivacion y satisfaccion pa bolbe trese un otro produccion riba

mercado, pa di e forma aki tambe duna oportunidad y valor na nos artistanan local pa aparece riba un CD.

Riba e CD VOL 7 ta aparece: 1) "Galiña di Bisña" (Robert Maduro), 2) "Temporada di Pasco" (Sulaika Croes), 3) "Bini Pidi Mang" (Robert y Julissa), 4) "Niño Hesus Rey di mi

Curason" (Marylou Trimon), 5) "Aña Nobo a yega" (Albert Manuela), 6) "Mi Fantasia di Pasco" (Debby Werleman), 7) E strea di Pasco (Robert y Julissa), 8) "Pepe" (Eveline Lacle), 9) "Navidad" (Robert Maduro), 10) "Tur Fin di Aña" (Arco Iris), 11) "Ban Celebra" (Polymnia), 12 "Man a bay cu ne" (Nuemy Hernandez).

Compositornan cu a participa den e produccion aki ta: Robert Maduro (5X), Edseline Figaroa, Leonardo Yaramilo, Casin Giel, Robert Jeand'or, Rubin Ponson y Doedel Sophia. Areglistanan: Robert Jeand'or (4X), Franklin Granadillo, y Leonardo Yaramilo. Guponan musical cu a acompaña e cantantenan: Tigo, Robert y su Solo Banda Show y Gaita Sensacionales. DEN AMBIENTE ta felicita Produccion Kelkboom pa e bunita CD aki y ta deseanan hopi exito..

E. R. A. Outentiko

